

* **Vila.** Kovrita per densaj mallongaj haroj : *~a hundo* Z. *~o.* Tufo da haroj ĉe supraĵo de kelkaj membranoj : *la ~oj de la stomako.*

vilao. Somerdomo, kampodomo.

* **Vilaĝo.** Malgranda aro da kampulaj domoj, neregule aranĝitaj : *alveni rekte el sia ~o* (esti krude nesperta).; *~ano* (Kp KAMPARANO).

vimeno ☞. Speco de saliketo, kies flekseblaj trunketoj servas por fari korbojn ks.

* **Vino.** Alkohola trinkaĵo, ekstraktita el fermentintaj vinberoj : *blanka, ruĝa, juna* Z *vino*; *la vino gajigas la koron de la homo* Z. Kp MOSTO. *~bero.* Frukto de *~berujo*, uzata por fari *~on* : *li lutas en sango de ~beroj sian mantelon* Z. *~beraro.* Aro da *~beroj*, pendantaj de sama trunketo (Kp GRAPOLO). *~berarbo, ~berujo.* Arbeto produktanta *~berojn*; *vito. ~bergardeno.* Loko plantita per *~berujoj* : *Noa plantis ~bergardenon* Z.

* **Vinagro.** Acidigita vino uzata kiel spicaĵo : *ĉesis esti vino k ~o ne fariĝis* Z; *pli allogas kulero da mielo ol da ~o barelo* Z; (f) *havi ~on en la mieno* Z; *~a humoro* Z, *tono* (Kp MALMILDA, MALDOLĈA, MALAFABLA, ACIDA, INCITITA).

vinĉo ☞. Horizontala bobeneĝo sur kiu oni volvas, per mana aŭ mekanika turnado, kablono por suprenlevi aŭ tiri ion. Kp KAPSTANO.

vindaso ☞. Horizontala kapstano uzata precipe por la ankra ĉeno. Kp KAPSTANO, VINĈO.

* **Vindi** (tr). 1 Ĉirkaŭvolvi suĉinfanon per tuko. 2 Ĉirkaŭvolvi ian korpoparton per kuraci, senmovigi, senfunkcigi aŭ sendangerigi ĝin : *~i la vunditan brakon*; *~i la okulojn al iu.* 3 (f) Ĉirkaŭvolvi : *kuŝi en ĉerku, ~ita per morta tolaĵo* Z; *ŝia robo ~iĝas ĉirkaŭ ŝiaj kruroj.* *~o.* Tuko per kiu oni *~as* suĉinfanojn : (f) *teni iun en ~oj* B (lasi al li nenion liberon); *li ne eltrampis ankoraŭ el la ~oj* Z (li estas nesperta). *~rubando.* Rubando 2. *El~igi.* Liberigi el la *~aĵoj* : (f) *ĝis nun ni sukcesis el~igi el ĉiuj malfacilaĵoj.* Kp BENDO.

Vinĵeto. Desegnaĵeto por ornamo librojn, metita ĉu komence, ĉu fine de ĉapitro aŭ volumo.

Vinko. Violflora veg. el fam. apocinacoj (*vinca*).

* **Vintro.** Jarsezono, kiu estas la plej malvarma en Eŭropo, inter aŭtuno k printempo (22 dec. -21 marto) : *kio taŭgas por somero, ne taŭgas por ~o* Z; *marmoto ~e dormas. ~i* Z, *tra~i* (ntr). Loĝi dum *~o*; pasigi la *~on*.

* **Violo.** Malalta veg. el fam. violacoj, kun tre bonodoraj floretoj (*viola odorata*). *~ego.* Samfamilia malalta veg. kun belaj tre diverskoloraj, kvinpetalaj, plataj floroj (*viola tricolor*). *~(kolor)a.* Havanta koloron mezan inter bluo k ruĝo. **Trans~a.** Kvalifikas nevideblajn rapidege vibrantajn radiojn devitajn de la prismo trans la *~aĵ.* Kp TRANSRUĜA.

* **Violono.** Kvarkorda arĉa muzik-instrumento : *ne el ĉiu ligno oni faras ~on* Z; *se vi prenis la ~on, prenu ankaŭ la arĉon* Z. *~i* (ntr). Ludi *~on* : (f) *la aŭtuna vento ~as tra la arboj.*

* **Violonĉelo.** Granda violono malsupera je unu kvinto je la aldo.

* **Vipo.** 1 Batilo konsistanta el ŝnuro aŭ rimeno alligita al ligna tenilo : *~o estas por ĉevalo k bastono por malsaĝulo* Z; *li eĉ el sablo ~ojn tordas* Z (estas elturniĝema); *li tordas ~on kontraŭ si mem.* 2 (f) Premanta aŭ punanta superpotenco : *ĝemi sub la ~o.* *~i* (tr). 1 Frapi per *~o* : *~i hundon*; (f) *homo ~ata de la sorto.* Kp SKURĜI. 2 (f) Forte batadi; kirli : *la torento havis blankete grizan koloron, kiel ~ata sapa akvo* Z; *la pluvo, hajlo ~is lian vizaĝon* Z; *herbo ~ata de la ventego* B. 3 (f) Senindulge mallaŭdi, kritiki : *lia sprita moko ~as ĉion, kion li trovas kritikinda*; *~i la indiferentecon de la publiko.*

* **Vipuro.** Malgranda venena serpento (*vipera*).

* **Viro.** 1 Animalo de la sekso organizita por demeti en aliseksan animalon la semon de ido (kontraŭ *~ino*) : *~besto, ~bovo, ~ŝafo*; *~(seks)ulo.* 2 *~homo* (kontraste kun *HOMO*) : *Dio kreis la homon, en formo de ~o k ~ino* li kreis ilin Z; *Platono dankis la Diojn, pro ke ili faris lin homo k ne besto, ~o k ne ~ino, greko k ne barbaro.* 3 Matur-aĝa *~homo* (kontraste kun *INFANO*) : *li apenaŭ eniris la ~econ*; *knabo jam*